

BOSNA I HERCEGOVINA
Federacija Bosne i Hercegovine
TUZLANSKI KANTON
JU MJEŠOVITA SREDNJAGRAĐEVINSKO-GEODETSKA ŠKOLA TUZLA

Broj: 01-1277-51.1/26
Tuzla, 17.08.2026. godine

Na osnovu člana 129. stav (2) Zakona o srednjem obrazovanju i odgoju („Službene novine Tuzlanskog kantona“, broj: 10/2020 - prečišćeni tekst, 11/20, 8/21, 11/21 i 22/21, 5/22, 10/22, 11/22, 9/23, 12/23, 5/25 i 18/25), Kriterija za utvrđivanje uslova na osnovu kojih se vrši izbor i imenovanje kandidata za direktora srednje škole čiji je osnivač Skupština Tuzlanskog kantona („Službene novine TK“, broj: 11/14, 15/21 i 20/22) i Odluke Školskog odbora o raspisivanju konkursa za izbor i imenovanje direktora JU Mješovite srednje građevinsko-geodetske škole Tuzla broj: 01-1276-51.1/26 od 17.08.2026. godine, JU Mješovita srednja građevinsko-geodetska škola Tuzla, raspisuje

K O N K U R S

za izbor i imenovanje direktora JU Mješovite srednje građevinsko-geodetske škole Tuzla

Raspisuje se Konkurs za izbor i imenovanje direktora JU Mješovita srednja srednja građevinsko-geodetska škola Tuzla, na mandatni period od 4 (četiri) godine.

Opis poslova

Direktor škole rukovodi školom i obavlja druge poslove u skladu sa članom 132. Zakona o srednjem obrazovanju i odgoju („Službene novine Tuzlanskog kantona“, br. 10/20 - prečišćeni tekst, 11/20, 8/21, 11/21 i 22/21, 5/22, 10/22, 11/22, 9/23 i 12/22, 5/25 i 18/25) i drugim važećim propisima kojima su propisane nadležnosti direktora srednje škole koje imaju status javne ustanove, odnosno kojim je uređen sistem rukovođenja javnim ustanovama srednjeg obrazovanja na području Tuzlanskog kantona.

Opći uslovi

Kandidat za direktora škole mora ispunjavati sljedeće opće uslove:

- a) da je državljanin Bosne i Hercegovine,
- b) da je zdravstveno sposoban za obavljanje poslova direktora škole,
- c) da se na njega ne odnosi član IX stav (1) Ustava BiH,
- d) da nije osuđivan za krivično djelo,
- e) da nije kažnjavao iz oblasti privrednog prestupa i da mu nije izrečena zaštitna mjera zabrane vršenja poslova nastavnika, pedagoga ili direktora škole).

Posebni uslovi:

Kandidat za direktora škole, pored općih uslova mora ispunjavati sljedeće posebne uslove:

- a) da ispunjava uslove za nastavnika ili pedagoga u skladu sa nastavnim planom i programom škole u kojoj konkuriše,
- b) da ima odgovarajući nivo obrazovanja-visoka stručna sprema ili ekvivalent i stručno zvanje u određenoj oblasti,
- c) da ima položen stručni ispit za samostalan rad na poslovima nastavnika ili pedagoga,
- d) da ima najmanje pet (5) godina radnog iskustva na poslovima nastavnika ili pedagoga osnovne ili srednje škole škole poslije sticanja odgovarajuće stručne spreme,
- e) da ima program rada i razvoja škole za period na koji se imenuje direktor,
- f) da se ističe organizacionim sposobnostima.

Smetnje za imenovanje

(1) Za direktora škole ne može biti imenovano lice kod kojeg postoje smetnje za imenovanje propisane članom 128. Zakona o srednjem obrazovanju i odgoju („Službene novine Tuzlanskog kantona“, br. 10/20 - prečišćeni tekst, 11/20, 8/21, 11/21, 22/21, 5/2022, 10/22, 11/22, 9/23, 12/23, 5/25 i 18/25;), odnosno lice:

- a) koje je pravosnažno osuđivano za krivično djelo koje ga po članu 105. stav (1) istog zakona čini nepodobnim za rad sa djecom,
- b) na koje se odnosi član IX stav (1) Ustava Bosne i Hercegovine,
- c) koje je član izvršnih organa političkih partija,
- d) koje ima direktan finansijski ili drugi lični interes u školi u kojoj se kandiduje koji bi mogao dovesti do sukoba interesa sa njegovom dužnošću direktora,
- e) kojem je u posljednje tri godine prije dana objavljivanja konkursa bio otkazan ugovor o radu zbog disciplinske odgovornosti ili kojem je u istom periodu izrečena disciplinska mjera otpusta iz državne službe,
- f) koje je pravosnažno osuđeno za neko od krivičnih djela iz člana 105. stav (1) Zakona o srednjem obrazovanju i odgoju, koje je kažnjavano iz oblasti privrednog prestupa, kojem je izrečena zaštitna mjera zabrane vršenja poslova direktora, nastavnika ili pedagoga škole ili koje u mandatnom periodu stiže uslove za odlazak u penziju shodno odredbama Zakona o radu.
- g) koje je zbog svoje krivice bilo razriješeno dužnosti direktora neke od odgojno-obrazovnih ustanova
- h) koje je u školi u koju se kandiduje bilo na dužnosti direktora dva uzastopna puna mandata.

(2) Lice može biti imenovano za direktora škole više puta, ali ne više od dva uzastopna puna mandata. Imenovanje za vršioca dužnosti direktora tog ili drugog lica između dva mandata, odnosno razrješenje sa dužnosti direktora škole prije isteka vremena na koje je imenovan iz razloga propisanog članom 134. stav (1) tačka a) Zakona o srednjem obrazovanju i odgoju, ne prekida uzastopnost mandata u odnosu na lice koje se javlja kao kandidat za direktora škole.

Za direktora škole ne može biti imenovano lice koje ne ispunjava opće i posebne uslove konkursa.

Potrebna dokumentacija:

Uz svojeručno potpisanu prijavu na javni konkurs, koja sadrži kratku biografiju i kontakt podatke, kandidati su dužni dostaviti dokaz o ispunjavanju svih uslova konkursa (općih i posebnih), odnosno slijedeću dokumentaciju u originalu ili ovjerenoj kopiji:

- a) uvjerenje o državljanstvu ne starije od šest (6) mjeseci,
- b) diplomu o stečenoj stručnoj spremi,
- c) uvjerenje o položenom stručnom ispitu za samostalan rad u oblasti obrazovanja na poslovima nastavnika ili pedagoga škole,
- d) potvrdu/uvjerenje izdato od strane škole o posjedovanju najmanje pet godina radnog iskustva na poslovima nastavnika ili pedagoga škole poslije sticanja odgovarajuće stručne spreme,
- e) program rada i razvoja JU Mješovita srednja građevinsko-geodetska škola Tuzla za period na koji se imenuje direktor,
- f) uvjerenje izdato od strane nadležnog suda da nije kažnjavan iz oblasti privrednog prestupa i da mu nije izrečena zaštitna mjera zabrane vršenja poslova nastavnika, pedagoga ili direktora škole,
- g) ovjerenu izjavu da nije pravosnažno osuđivan za krivično djelo koje ga po članu 105. stav (1) Zakona o srednjem obrazovanju i odgoju („Službene novine Tuzlanskog kantona“, broj: 10/20 - prečišćeni tekst, 11/20, 8/21, 11/21, 22/21, 5/22, 10/22, 11/22, 9/23, 12/23, 5/25 i 18/25;) čini nepodobnim za rad sa djecom,
- h) ovjerenu izjavu da se na njega ne odnosi član IX (1) Ustava Bosna i Hercegovine,
- i) ovjerenu izjavu da nije član izvršnih organa političkih partija,
- j) ovjerenu izjavu da nema direktan finansijski ili drugi lični interes u JU Mješovita srednja građevinsko-geodetska škola Tuzla, koji bi mogao dovesti do sukoba interesa sa njegovom dužnošću direktora,
- k) ovjerenu izjavu da nije osuđivan za krivično djelo,
- l) ovjerenu izjavu da mu u posljednje tri godine prije dana objavljivanja konkursa nije otkazan ugovor o radu zbog disciplinske odgovornosti ili u istom periodu izrečena disciplinska mjera otpusta iz državne službe,

- m) ovjerenu izjavu da zbog svoje krivice nije razriješen dužnosti direktora neke od odgojno-obrazovnih ustanova i da u mandatnom periodu ne stiče uslove za odlazak u penziju, shodno odredbama Zakona o radu,
- n) ovjerenu izjavu da u JU Mješovita srednja građevinsko-geodetska škola Tuzla nije imenovan na dužnost direktora dva uzastopna puna mandata.

Pod ovjerenom izjavom podrazumjeva se izjava ovjerena od strane nadležnog gradskog ili općinskog organa uprave, odnosno izjava ovjerena od strane notara.

U slučaju potrebe, na zahtjev škole, kandidati su dužni dostaviti i drugu dokumentaciju kojom dokazuju ispunjavanje potrebnih uslova za izbor i imenovanje na dužnost direktora škole. Kandidat koji bude izabran za direktora škole dužan je prije stupanja na dužnost dostaviti:

- Ljekarsko uvjerenje nadležne zdravstvene ustanove da je zdravstveno sposoban za obavljanje poslova direktora škole ne starije od 3 (tri) mjeseca i
- Izjavu ovjerenu od strane nadležnog organa o odstupanju sa pozicije predsjednika ili člana Školskog odbora ukoliko je u tom momentu obavljao navedenu dužnost.

Nakon provjere blagovremenosti i potpunosti pristiglih prijava Školski odbor sastavlja listu kandidata koji ispunjavaju uslove tražene javnim konkursom.

Za kandidate koji ispunjavaju uslove tražene javnim konkursom, Školski odbor je dužan prvo pribaviti stručno mišljenje Pedagoškog zavoda, a nakon toga za kandidate koji su dobili pozitivno stručno mišljenje Pedagoškog zavoda Tuzlanskog kantona, saglasnost Ministarstva obrazovanja i nauke Tuzlanskog kantona. Kandidat koji nije dobio saglasnost nadležnog Ministarstva ne može biti imenovan za direktora škole.

Za direktora škole Školski odbor imenuje kandidata za kojeg je glasala većina ukupnog broja članova Školskog odbora, nakon vlastite ocjene dostavljenog programa rada i razvoja škole za period na koji se imenuje direktor, a koji je prethodno dobio pozitivno stručno mišljenje Pedagoškog zavoda i saglasnost Ministarstva obrazovanja i nauke Tuzlanskog kantona. Školski odbor može punovažno odlučivati i ukoliko se na javni konkurs prijavio samo jedan kandidat koji ispunjava tražene uslove za direktora škole.

Kriteriji po osnovu kojih Pedagoški zavod Tuzlanskog kantona daje stručno mišljenje, odnosno kriteriji po osnovu kojih Ministarstvo obrazovanja i nauke Tuzlanskog kantona daje saglasnost propisani su tačkom IV i V Kriterija o utvrđivanju uslova na osnovu kojih se vrši izbor i imenovanje kandidata za direktora srednje škole čiji je osnivač Skupština Tuzlanskog kantona ("Službene novine novine Tuzlanskog kantona", broj: 11/14,15/21 i 20/22;).

O rezultatima konkursa kandidati će biti obaviješteni u pisanoj formi u roku od 8 dana od dana donošenja odluke o izboru direktora škole.

Odluka Školskog odbora je konačna i protiv iste se ne može izjavljivati žalba, ali se nakon njene konačnosti može pokrenuti sudski (parnični) postupak.

7. Konkurs ostaje otvoren 15 (petnaest) dana od dana objavljivanja u "VEČERNJEM LISTU BIH" d.o.o. Mostar

Prijave na konkurs, zajedno sa traženom dokumentacijom, kandidat dostavlja neposredno na protokol škole ili preporučenom poštom na adresu: JU Mješovita srednja građevinsko-geodetska škola Tuzla, Bosne Srebrene 55, 75000 Tuzla, sa naznakom „*Prijava na Konkurs za izbor i imenovanje direktora JU Mješovita srednja srednja građevinsko-geodetska škola Tuzla - ne otvarati*“.

Neblagovremene ili nepotpune prijave bit će odbačene i neće se uzeti u razmatranje.

predsjednik školskog odbora

